

瓊州府志卷之五

輿地志八 物產

穀類

海南秬稻率三五歲一變以黏為飯以糯為酒糯貴而黏賤蓋以其性善變罕得佳實云

蘇軾海南文

稻有粳糯二種粳之類曰白芒紅芒長芒光芒白鼠芒赤鼠芒烏芒曰香粒粒小性柔而味香大粒

珍珠粒米稍圓而色潔曰鼠牙百箭烏齋矮脚黃箕東海小種雜子小欄坡遮坡光坡穗小熟

黃沙牛鬚烏節廉州珠蓋穀圓如珠牛頭烏殼海糠白肉赤鬚狗溜牛結纍牛虱仔山鷄翁

蝦鬚曰早黏自十二月正月二月皆可種五六月熟七粘八粘赤粘黃粘銀粘光粘細粘坡粘曰粘稻陔稻竹

稻蓋稻曰山禾亦曰坡稻米名雲子於山中燔林積灰和土而播種焉不加灌溉自然秀實連歲有收地瘠乃棄之更擇他處香禾早禾以上凡五十四

種糯之類曰光頭九里香黃鬚烏鴉罕貝子黃梔糯仔大殼芒花珍珠眼合欄合狗蛇

馬眼黃線山藍坡糯香糯黑糯大糯小糯白綿糯小熟糯以上二十三種 黍之類二

曰金黍一名黃黍牛黍 稷之類二皆名為粟曰鴨脚粟宜釀酒狗尾粟歲再熟大粟歲一熟 麥之

類三曰大麥小麥蕎麥 梁之類四曰白粒赤粒粳粒糯粒 菽之類多總名為豆五

色皆具曰青豆赤豆黃豆白豆烏豆烏豆宜為飯出瓊山東山市者佳綠豆柳豆枝葉如柳可治痘疹刀豆扁豆欽豆

飯豆虎豆豌豆白帶豆三朝梗龍爪豆長帶豆八月豆壓草豆青皮豆羊矢豆荷蘭豆

又有紫蘿帶紅色七八江白色俗皆呼為袍帶豆以上二十四種此五穀之大凡也各州縣大同小異

惟耕穫之候不同

芝麻有黃黑白三種玉篇云籐弘胡麻也

按芝麻可服餌為油最良瓊人鮮用麻油通用豨膏及落花生油此外又有海棠油

山柚油山竹果油皆他處所無至於桐油柏油莖麻油則所同也

薏苡米多出儋州崖州瓊人每以為糧

芋有坡水二種春種夏收夏種冬收皆以當中出苗者為芋母四圍附之而生者為芋子

亦可為糧然其性不及番薯和平坡之類曰麩芋鷄芋東芋水之類曰水黎芋銀芋苗

莖瑩白與葉並可生食又有紅口芋彈子芋蕒芋人頭芋瓜芋皆產會同粵俗多用以食蓋其餘芋種至

多亦號大米

按東坡海外集云過子忽出新意以山芋作玉糝羹色香味皆奇絕天上酥醅則不可知人間決無此味也有絕句一首見本集今瓊郡產穀尙少頗資糶糧薯芋之屬皆爲民食所賴

甘藷葉如芋實如拳有大如甌者皮紫而肉白蒸食之舊珠崖地不業耕稼惟種甘藷秋熟收之蒸晒切如米粒貯之是名甘藷糧北方人至者或盛具牛豕膾炙而未以甘藷薦之若粳粟然壽多至百餘歲者由食甘藷故爾稽含南方草木狀

番蒂藷即甘藷之後穫者大如鵝鴨卵又有片藷羸藷六月藷粳殼藷諸種海南以藷米爲糧幾米之十六東坡志林

薯蕷各州縣所產不同有形如山藥者曰鹿蔓鈴邊蔓黎蔓味佳或種三年始收扁蔓四種定安有

麩藷鷄母藷束藷文昌有紫藷白藷儋州有鷓鴣藷三年藷大者自一二觔至十餘觔不等薑藷淡薯會

同有靴薯子薯牛膨薯萬州有大葉薯小葉薯大薯人薯血薯香薯鹿脚薯諸種

番薯種來自南夷以蔓埋地即生其葉可爲菜根似山藥皮有紅白二種終年食之精神不減郡人嘗以釀酒

蒔蕒即本草黃藥子色紅味苦有毒火灰水浸三宿乃可食亦可染色

榜頭形似何首烏制法與蒔蕒同將煮時置生魚浸水中驗魚能遊爲無毒澄邁志

甜娘一名木老其花如蓼莖枝有毛土人取實晒乾用又名荳稜仙同上

南椰麵瓊人以南椰粉爲飯曰椰霜飯南椰與椰子樹不同其精液形色氣味皆類藕蕨

粉本草以爲莎木麵也出萬州定安

葛根大如瓜剖而食之甘如梨白如蘿蔔可以爲粉吳震方嶺南雜記

蔬類

蒔藷一作蒔菜如落葵而小性冷味甘治葛有大毒以蒔汁滴其苗即萎世傳魏武能敵治葛

至一尺云先食此菜草木狀蒔蓀名蒔田在處皆有亦名蒔草雖有解毒之功然能損目

蒔藷通志

籐菜一名落葵又名紫豆蔓生葉柔滑可食東坡詩云可以敵蓀羹

芥蘭甘辛如芥葉藍色鍊之能出鉛又名隔藍雜記

蓬生菓名乳瓜土人又名木瓜一名萬壽果樹高一二丈如櫻欄葉如蒲葵近頂節節生

葉類木瓜而色青皮嫩微有楞肉白多脂無核指之乳隨出醬食甚脆子如蠶矢二月下種數月即高大果少則以刀斷其根其樹皮可食如蘿蔔蜜浸尤佳同

東風菜斐淵廣州記云宜肥肉作羹香氣似馬蘭味如酪此菜先春而生故名

按通志云徐錯篆韻東風菜也別是一種與斷續二物同名爾

瓊芝出文昌又名石花菜

華撥菜葉如蕒實類桑椹東坡云閒挑華撥根是也

紙菜色如青苔其薄如紙乃鹽水之皮皆出瓊海中

海粉海岸有蟲食苔蘚所化從背後吐出有五色以綠色為佳

石髮菜出海石上纖長如絲縷虞衡志○又李時珍云龍鬚菜生南海石上叢生無枝狀如柳葉長者尺餘白色以醋浸及和肉蒸食俱佳

茄隋云帝名為崑崙紫瓜又有白色者為銀茄黃山谷詩云珍蔬長帶色勝銀南方草木

狀易交廣草木經冬不衰故蔬園之中種茄有宿根三四年者漸長枝幹成樹

紫菜出文昌萬州海石上李時珍云閩越海邊悉有之葉大而薄彼人按成餅狀晒乾貨之其色正紫亦石衣之類也

按紙與紫音同疑即一物今瓊州惟產紫菜所在皆有舊志分載仍存之以俟考訂

瓊

州府志

卷五

輿地物產

三

瓊州海口海南書局印行

菠菱菜即菠菜一名赤根菜劉禹錫云種出自西國有僧將其子來云是頗陵國之種語

訛為菠菱耳嘉話錄

芹有水芹旱芹杜甫詩云香芹碧澗羹蓋美芹之功而列子言鄉豪嘗芹蜚口慘腹蓋未

得食芹之法耳本草綱目

鹿角菜生南海中石厓間長三四寸大如鐵線分丫如鹿角狀紫黃色土人采曝貨為海

錯同上○南越志云猴葵一名鹿角蓋鹿角以形名猴葵因其性滑也

苳菜接余也根生水底莖如釵股上青下白葉紫赤圓徑半寸浮在水面詩集傳

芥菜有青白紫花數種儋州志

生菜形似蒿苳可捲肉餅

地達菜一名地春雨生荒野中

莧菜爾雅謂之藿又有野莧馬齒莧紅莧食忌鼈

甜菜即若達本草云莖灰淋汁洗衣白如玉

蒿蒿菜本草云動風氣薰人心令人氣滿不可多食

白花菜生荒園花白味酸香楊貴妃因高力士取之高州稱美嗜之俱同上

苦蕒案即劉易所嗜蠶蛾出時不可用

石芝生海隅島嶼之涯赤者如珊瑚白者如截肪抱朴子文昌會同有研石廣數里橫互海

底其石上生苔白者為瓊枝紅者為草珊瑚味甚脆美瓊郡種植之利檳榔為大瓊枝

次之

按通志云瓊枝疑即石花菜之類

鹿耳菜生曠野沙地花黃如菊土人取葉去毛羹食出萬州

蕨菜即爾雅所謂蕨鼈又有蘿蔔菜沙皮菜魚鱗菜酸菜油菜鷄菜芫荽牛蒡產各州縣

薑紅白二種又有高良薑黃薑山薑

葱有乾葱水葱珍珠赤白二種即爾雅山蒜

韭忌同牛肉羹食之生寸白蟲

薤似韭之菜儀禮云葱薤之屬食之止臥

筍類甚多然味皆苦惟麻竹刺竹數種常以充饌

菌俗名菰有甜菰赤米菰梅花菰紅赤白三色白佳若食中蛇毒者搗芝麻調服即愈

木耳生桑樹者治痢生火殃樹者治瀉生梅樹者治腹痛生於朽木者俗名木耳菰

田艾葉如艾而細生田畔俗拌米搗粉為餠採訪冊

冬瓜海南多以十一月種至三四月即鬻於市賈思勰云冬瓜正二月種之若十月種者結瓜肥如乃勝春種則冬瓜之名或又以此也

南瓜種出南番故又名番瓜本草綱目

越瓜以地名也南人呼為菜瓜有青白二色可生食充菓蔬醬醋藏浸皆宜亦可作俎

胡瓜以張騫使西域得種故名又隋大業四年避諱改為黃瓜今俗以月令王瓜生為黃

瓜誤矣王瓜即土瓜也俱同上

絲瓜皮上有稜內多筋絲長止數寸按朱震亨云痘瘡不快用枯者煨存性入硃砂研末

蜜水調服甚妙土名謂之木瓜水瓜種與絲瓜異朱說誤

水瓜一名天羅圓徑寸許長一二尺性寒烹之水漬甚多嫩時可食老則筋絲羅織枯而

無味

壺盧有長柄細腰二種崖州產者其大如五斗器

瓠子即匏也詩曰八月斷壺註瓠也俗誤以爲葫蘆

匏狀腰類於首尾類於腰微銳綠蔓太康地記朱崖儋耳無水惟種大匏籐斷其汁用之

亦足通志

鷓鴣瓜野生高不滿尺實似王瓜熟紅色味佳云鷓鴣食之故名出瓊州上同

斑瓜青白斑數種一名甜瓜

香瓜似甜瓜而短黃白青數色有小圓極香者

丹瓜野蔓生葉如黃瓜而小俗謂之坡瓜

苦瓜原出南番今閩廣皆種之五月下子生苗引蔓卷鬚如葡萄八月開黃花五瓣如槐

結瓜長者四五寸短者二三寸青色皮上痒如癩及荔枝殼狀熟則自裂內有紅瓢其

味甘中有子形如冬瓜子本草綱目

按通志云苦瓜一名錦荔枝又名癩葡萄又名菩達廣南以其皮煮肉及鹽醬充蔬

味苦而香土人酷嗜之

花類

極蘭極者莖多也蘭以極蘭爲上乃蘭之第一香粵東筆記

公孫蘭每一大莖輔以二小莖其花從上開下若公領孫故名

出架白蘭花高出葉從下開上色甚潔白

青蘭葉長二尺其花青碧白幹者爲上青幹紫幹次之

黃蘭葉長而稍大其花淡黃有小紅紋

草蘭以短葉白幹者爲上其花肥不畏霜雪不資糞壅有雙花單花之別

風蘭花如水仙黃色從葉上抽出作雙朵繫置簷間不着水土自然繁茂

鹿角蘭葉細如鹿角故名狀類海棠花紫蕊黃色甚幽媚

小玉蘭花淡白有清香

報喜蘭如蠟梅而色紅紫每莖作七八枝遇吉事則開香味亦同諸蘭

賀正蘭每當立春及元日始開

幽蘭生於深林中微風過之其香靄然達於外林愈深則莖愈紫香更有餘

翡翠蘭有六瓣三蕊色如翡翠故名

鶴頂蘭花葉甚大面青背白蕊紅紫卷成筒形微似鶴頂一莖作二十餘花

朱蘭花小色麗開只一朵亦出葉如百合

文珠蘭葉長四五尺大二三寸而厚花如玉簪似百合而長大色白甚香夏間始開俱同上

鷄爪蘭長二三尺莖葉紛披甚弱種之盆盎以竹圈數重護之花如珍珠如金粟一枝輒

作數串分布若鷄爪故名本名賽蘭白沙詩南有賽蘭花名花人未識又名暹蘭以來

自暹羅斛也亦謂之東京蘭

樹蘭高尺餘花似魚子蘭而香烈過之五葉者貴其花不落香且久三葉者其花次日即

落雜記

菊種類甚多東坡云海南氣候不常十月初菊花始開不須以重陽為斷

茉莉花似薔薇之白者香愈於耶悉茗即素馨花有寶珠千葉重臺諸種宜六月六日種重臺

者香似黃檀味甚厚

素馨花較茉莉更大香最芬烈閨閣晚粧摘其蓓蕾以綵絲穿花心繞髻為飾在髻上始

盛開見月而益光得人而益馥竟夕氤氳至曉萎猶有餘香隆冬花少曰雪花夏月花

多曰瓊英然兒女以花蒸油取液為面脂頭澤謂能長髮潤肌章隱詩鈿花穿弱縷盤

向綠雲鬢王阮亭詩夜半髮香人夢醒銀絲開遍素馨花蘇粵東筆記

夜來香蔓生蓓蕾數朵成簇日入始開花五瓣淡黃色其香以夜亦如素馨土人以爲青

茉莉以其形似茉莉也

指甲花其樹高五六尺枝條柔弱葉如嫩榆與耶悉茗茉莉皆雪白而香不相上下番人

自大秦國移植於南海而此花極繁細如米粒之半人多折置襟袖間蓋資其芬馥爾

一名撒沫花草木狀

刺桐花樹高數丈大者合六七人抱身多瘦瘤硃礪磅礪若虬龍狀本不可材故能以老

見異花正紅色先葉而生三月盛開望之滿樹嫣然旁照他物皆赤豔落地三四日其

色不減伐其枝種之即生

按瓊地刺桐甚多樹高數丈花如木綿開後始生葉或云刺桐一名蒼梧根淺質脆

不中材木土人取其葉食豕

山丹花如瑞香而正赤開透後帶黃色蘇詩云堂前種山丹錯落瑤瑤盤雜記

芙蓉一名拒霜樹叢生葉大而花甚紅八九月霜降時開故有拒霜之名又有開時其色數易早白午淺紅暮深紅謂之醉芙蓉

性涼血解毒治一切癰疽惡瘡花葉根皮皆可用搗敷腫痛立效

木棉花正月發蕾似辛夷而厚作金紅深紅二色蕊純黃六瓣望之如億萬華燈燒空盡赤結子如酒盃老則坼裂有絮茸茸土人取以作裯褥泊宅編云木綿紡績爲布名曰吉貝海南蠻人織以爲巾上出細字雜花卉尤工巧即古所謂白疊布也

龍船花以花自端午而開故名殷紅色狀如秋海棠中心垂絲裊裊如龍髯故又名龍髯花

九里香木本葉紅如黃楊花成莢色白有香甚烈但其木不易長以最短者製爲古樹枝幹拳曲可作盆盂之玩有壽數百年者昔人詩云風俗家家九里香

七里香木高數尺凌冬不凋花白香甚醜未開時似木樨通雅稱可以辟蠹即芸也

紅荳蔻花叢生葉瘦如碧蘆春末先抽一幹有大籜包之籜解花見一穗數十蕊淡紅鮮妍重則下垂如葡萄又如火齊瓔珞及剪綵鸞枝之狀此花無實不與草荳蔻同種每蕊心有兩瓣相竝詞人托興曰比日連理云

虞衡志

按羅浮志云紅荳蔻即山薑花莖即薑也根不堪食惟葉枝吐馥花如麥粒嫩紅色選未折開者謂之含胎以鹽淹入甜糟中經冬如琥珀辛香可爲膾今多出儋州其根入藥即高良薑

孔雀花樹高可丈許花紅色有頭翼尾足若孔雀然數十萼一簇如龍船花

臙脂花叢生其葉類藍其花似蓼正月開花含苞者可爲臙脂亦可染帛其紅不亞紅藍

又鄭虔云石榴花堪作臙脂

北戶錄

鳳仙花一名金鳳葉似桃而有鋸齒極間作花狀如飛禽有紅白紫碧數色婦女以花包染指甲故亦稱指甲花

瑞香花一名風流樹高者三四尺許枝幹婆娑四時長青冬春之交開花成簇長三四分

如丁香狀

群芳譜

酴醾一名獨步春一名瓊綬帶籐身灌生青莖多刺一穎三葉如品字形花青跗紅萼開時變白大朵千瓣香微而清盤作高架二三月間爛漫可觀歐陽永叔詩清明時節散天香輕染鵝兒一抹黃最是風流堪賞處美人取作浣羅裳

同上

薔薇一名刺紅一名牛勒藤身叢生莖青多刺其色或白或紫或黃連春接夏清馥可人
又花可蒸露

秋海棠花無香而色甚嬌媚粵中頗多若西府垂絲不可多得

山茶樹高者丈餘低者二三尺葉似木樨花有紅黃白數種

合歡一名夜合枝甚柔弱葉纖密圓而綠似槐而小相對生至暮而合枝葉互相交結風

來輒解五月開花樹之庭階使人釋忿羣芳譜

木槿一名舜一名朱槿一名朝開暮落花木高五六尺葉繁密如桑花大如蜀葵有蕊一

條出花外上綴金屑日光所爍疑若焰生一枝之上日開數百朵有深紅粉紅白色單

葉千葉之殊

扶桑木即佛桑高四五尺枝葉婆娑如桑花有紅黃白三色又有朱槿赤槿等名以此花

與槿相彷彿也

萱一名忘憂一名宜男苞生莖無附枝繁蔓攢連葉四垂花有春夏秋冬四季俱同上

鹿葱花頗類萱但無香耳鹿喜食之故以命名同上

含笑花木本其花如蘭形色俱肖花開不滿若含笑然隨即凋落一種小而色多白者尤

香丁謂詩云草解忘憂憂底事花名含笑笑何人羣芳譜羅浮志

金錢花秋開黃色朵如錢日開夜落又名夜落金錢梁大同中進自外國今在處有之又

有銀錢一種七月開花羣芳譜

西洋蓮蔓細如絲朱色繚繞籬落間花初開如黃白蓮久之瓣落其蕊復變為菊故又名

西洋菊廣州志

蓮花宋李光常遊儋州清水池云海南蓮花與菊梅相接葉小而清香可愛

儋州志○廣輿記云荷出儋州

四時開花

觀音蓮又名觀音蕉葉似芭蕉中心發紅芽初出如捲旗漸分大瓣如蓮而叢攢不甚開

放色鮮艷奪目可歷數月

美人蕉初生似玉簪葉後漸似芭蕉葉而小花似山丹而紅次第開花四時不絕其最小

可插瓶中者曰膽瓶蕉

蛺蝶花紫色形似蝴蝶微風至搖蕩若飛

長春花柯生四時開花淡紅色五出

換錦者脫紅換錦脫綠換錦也葉似水仙冬生至夏而落獨抽一莖二尺許作十餘花或

紅或綠葉落而花故曰脫紅脫綠花落而葉故曰換錦又曰脫羅換錦

百日紅花開百日不謝

澄邁志

百日白根可消腫病

蘆葦葉長邊有刺利封界花抽葉中與葉彷彿色白清香每瓣胎格有粉雌者結子又名

路頭花可以為蓆

梔子俗呼黃箕地種者雙瓣惟生水邊者單瓣結實

俱同上

梅有青紅二種嶺南梅花常與菊花相及所謂十月先開嶺上梅也

郝通志

夾竹桃花本桃類葉如柳枝幹如葦竹而促節終歲有花不結實其落以先不以瓣落至

二三日猶嫣紅鮮好得水蕩漾朶朶不分開與衆花同而落與衆花異又曰地開桃以

落於地而始開也

粵東見聞

葵花有蜀葵秋葵二種

瓊山志

鷄冠花有紅白黃數種

金銀花即野菊花稍小於黃菊本草謂之旋覆花

老來紅即老年又名暮年嬌

月季花葉尖小枝有勁刺皮葉俱青花或紫或紅微香隨謝隨開四時不絕

果類

荔枝樹高五六丈餘如桂樹綠葉蓬蓬冬夏青華實大如鷄子肉白如肪甘而多汁似安

石榴有甜酸者夏至時翕然俱赤則可食也

草木狀○又莊綽云海南有無核荔枝

龍眼樹如荔枝但枝葉稍小殼青黃色形圓如彈丸核如木椀子而不堅肉白帶漿其甘

如密一朶五六十顆作穗如葡萄然荔枝過則龍眼熟故謂之荔奴言常隨其後也

同上

按蘇東坡曰閩越八高荔枝而下龍眼吾為平之荔枝如食蚌蟾大蚌斫雪流膏一

噉可飽龍眼如食彭越石蠃嚼久之了無所得然酒闌口爽饜飽之餘則蛭啄之

味石蠃有時勝蚌蟾也此語足為荔解嘲

蕉子芭蕉極大者凌冬不凋中抽幹長數尺節節有花花褪葉根有實去皮取肉軟爛如

綠柿極甘冷四季實一名牛子蕉又有鷄蕉子小如牛蕉亦四季實有芽蕉子小如鷄

蕉尤香嫩甘美秋初實

虞衡志

檳榔子既非常木亦特異大者三圍高者數丈葉叢樹端房結葉下華秀房中子結房外其擢穗似黍其綴實似穀其皮似桐而厚其節似竹而概其內空其外勁本不大末不小上不傾下不斜調直亭亭千百如一但性不耐霜不得北植必當選樹海南遼然萬里弗遇長者之目令人恨深也

喻益期牋

檳榔生食必以扶留籐古責灰相合嚼之吐去紅水一口乃滑美不澁下氣消食俗謂檳榔為命賴扶留以此古責灰即蠅蚌灰也責乃蚌字之訛瓦屋子灰亦可用

本草

按儋州志云子堅圓小者名為檳榔性熱大者名大腹子殼名大腹皮樹如椰而小花香遠而清取其實合扶留葉及灰食之辟腥消食除瘴俗重此物凡交接必以為先容婚姻以為定禮朱子詩云憶昔南遊日初嘗面發紅葉囊知有用茗盃詎能同捐疾收殊效修真錄異功三彭如不避糜爛土非中註云土非禪語今郡人食檳榔又以荔枝嫩葉搗成餅名曰茶餅加入合食

椰樹高五六丈似檳榔桃椰之屬其實小者如栝蓏大者如寒瓜有粗皮包之皮內有核圓而黑潤甚堅硬厚二三分殼內有白肉瓢如凝雪味甘美如牛乳瓢內空處有漿數合清美如酒其殼磨光有斑縵點紋橫破之可作壺爵縱破之可作瓢杓也

同上

又可作冠蘇過以椰子冠寄叔子由東坡與子由有詩相倡和

見海外集

按郡屬椰子最多文昌尤盛有一種小者其殼可作數珠價逾沉香中土甚寶貴之檳榔樹枝皆高聳其子深秋方熟味雖苦澁咀之芳馥勝含鷄舌香有野生者子繁而樹峻不可梯緣但刻根下方寸許納鹽於內一夕子皆自落木亦無損其枝節間有脂膏如桃膠南人采取和皮葉煎汁熬如黑飴謂之欖糖用泥船隙牢如膠漆着水益乾也

嶺表錄異

烏欖一名木威子乃欖之大者蒂有臭味大遜檳欖土人取其肉醃為釀名曰欖鼓色如玫瑰味頗雋又可榨油調食點燈其仁則為佳果其皮染色鮮紅如茜其核可薪

雜記

按木威烏欖嶺微廣州記云木威生嶺南山谷樹高丈餘子如檳欖是烏欖與檳欖明是兩種通志云西陽雜俎云珠崖檳欖獨報枝南向者為檳欖東向者為木威其

說出於金樓子李時珍謂此傳聞謬誤耳

餘甘子形味類橄欖一名庵摩勒羣芳譜

千歲子有籐蔓出土子在根下鬚綠色交加如織其子一苞恒二百餘顆皮殼青黃色殼中有肉如粟味亦如之乾者殼肉相離撼之有聲似肉荳蔻草木狀

五稜子形甚詭異瓣五出如田家碌碡狀味酸久嚼微甘閩中謂之羊桃虞衡志

按五稜子即五斂子也但與苺楚羊桃名同而實異舊志另一種味極酸澀名五斂子一種極甜美名甜羊桃形色俱相似土人以鹽漬之能醒胃進食陳久者良

黎檬子如大梅復似小橘味極酸同上

蜜望樹高數丈花開極繁望之而喜故名其實黃味酸甜能止船暈海舶兼金購之

廣州志土人名為莽果

蜜林禽實大如拳外皮礪柯色青一實有數十核瓊人呼為番荔枝

不納子似黃熟小梅絕易爛爛即破肉附核可為經珠似菩提子虞衡志

黃皮果大似龍眼又名金彈子皮黃白有微毛瓢白如肪有青核數枚甚酸澀食荔枝太

瓊

州府志

卷五

輿地物產

十一

瓊州海口海南書局印行

多以黃皮解之通志

波羅蜜大如冬瓜外膚礪柯如佛髻削其皮食之味極甘子剗如冬瓜生大木上秋熟

虞衡志

波羅樹自蕭梁時西域達奚司空攜子二枚栽於南海廟即佛氏所稱優鉢曇也

無花結果果成之後或一生花故以優鉢花為難得樹高五六丈實生枝間其大如斗有重至三四十觔者如不實則以刀斫樹皮白乳湧出旋凝結為實老樹已朽今是其

萌蘖已大數十圍他處皆自此分種其根旁行實旋結於地中折裂聞香始知較枝幹所結尤美一實有數百核核中仁如栗可煑食菓之大而美者惟此與椰子而已有乾濕二

種明宣德間充貢正統初詔止

又有一種草本實結於心頂仍有葉其實皮厚有軟刺肉層疊如橘囊味

亦香甘廣州志

按木本者實重數十斤味香甜而膩土人名曰波羅蜜其草本者大僅如柚而多刺

俗名番波羅其葉可抽絲績麻織布為波羅麻布文昌定安多產之

楊梅北戶錄名杔子以細核為佳故庾信小園賦有細核楊梅之稱瓊屬所產形小味酸而核亦不甚細古人稱越地楊梅指浙東之越非粵東之越也

橘白華赤實皮馨香有善味其小而黃者名金橘剝皮則酢合食則甘草木狀羅浮記

柑乃橘之屬滋味甘美特異者也有黃者有頰者頰者謂之壺柑草木狀

鈎緣子一名香櫞形如瓜皮如橙而金色土人重之極芬香肉甚厚白如蘆葍同上

佛手柑木如朱欒葉尖長有刺皮黃若橙肉白若肪香最清烈產會同樂會群芳譜

柚產海北者佳瓊柚多白瓢無紅瓢即傳種亦變白

橙樹高枝葉不甚類橘亦有刺其實大者如盃頗似朱欒經霜早熟色黃皮厚香氣馥郁

事類合璧

蒲桃樹高二三丈其葉如桂四時有花叢鬚無瓣如剪出絲毬長寸許色兼黃綠結實如

蘋果殼厚半指絕芳甜核與殼不相連屬搖之作響羅浮志

椶遷子樹如甘蔗即柿也其子如馬乳而小中有美漿廣州志

都念子南海郡送都念子樹一百株樹高一丈許葉如白楊枝柯長細花心金色花赤如

蜀葵而大其子小於柿甘酸至美蜜漬為粽益佳大業拾遺記嶺外有果名撚子三月開花

如芍藥七八月實可食結腸胃小兒食多則大便難東坡改名海漆言搗其葉可代柿

漆嶺表錄異云倒捻子窠叢生葉如苦李花似蜀葵小而深紫南方婦女多以染色子

如軟柿上有四葉如食蒂食者必捻其蒂故謂倒捻子或呼為都念子語訛也其子外

紫肉赤無核古訛捻為念今又訛念為撚猗覺寮雜記

石榴有紅白二種又有海榴千葉寶珠榴西陽雜俎云甜者可為醬酸者可入藥

番石榴皮青黃色亦有白者瓢色紅中多子細如米粒味甘而氣臭土人酷嗜之文昌志云食之發瘋

瘋恐未必然

葡萄史稱張騫使月氏傳其種以西北為美瓊種小而酸

落花生俗名地豇一名長生菓蔓生吐黃花瓣落地即生莢於根莖間狀如赤豇長及

寸殼有皺文中紅衣裏仁或三或四生熟皆可食亦可搾油土人掘沙取之

山栗圓而末尖者為錐栗小如橡子者為榛栗粵語訛為錐子文昌有苦錐牛錐二種山

蠶食其葉作繭取絲織綢即名山繭綢

山竹子狀類菩提色黃味酸甜可釀酒澄邁志

菩提子狀如北地沙果味香甜儋州志

鳳凰子搗以為餅味如乳酥臨高志

甘蔗圍數寸長丈餘頗似竹而皮厚斷而食甚甘有蠟蔗竹蔗二種竹蔗煮糖啖以蠟蔗為佳瓊產四時不絕

蓮實俗謂蓮子出會同者佳

甜瓜其味甜於諸瓜故獨得甘甜之名本草綱目

木杪一名木類俗呼木赤朶形如黃皮瓢有紅白二種

土檀子狀類木杪熟紫色澄邁志

鷄頭子即芡實叢生於房中陵水志

藏漢果樹多刺子熟鮮紅圓如珠味甜澁雜記云漢高為項羽所追因藏此樹間獲免故

名儋州志

坡果莖如芥花紅根實如柿味類蓮黃通志

番荔枝大如桃色青皮似荔枝殼而非殼也頭上有葉一宗擘開白穰黑子味似波羅蜜

嶺南雜記

竹類

長節竹節長丈許產黎山中

青黃竹筠半青半黃一名碧玉

黃竹即黃皮竹凡竹非青則綠此獨黃古詩云口上枝枝金瑯玕一丈二尺拂雲端謂此

人面竹節小而中大小處如人面大處如腹亦稱佛腹竹

筋竹莖直節平不蛀宜為矛郡產者殊小不及海北之大

勒竹一名澀勒即刺竹也長芒密距枝皆五出如鷄足可蔽村砦子瞻詩云澀勒暗蠻村

是也瓊人種為藩籬筍亦可食

簞竹或為之贊曰簞竹既大薄且中空節長一丈其直如松此言桃竹也以為簞曰桃笙

苦竹類茅而節高莖曲宜編織性寒宜作瀝青其根穿行山谷延蔓成林又名過山苦

籐竹昔人云儋州有籐竹其性堅實耐久長踰尋丈筍亦美文昌多產之

茅竹一作貓竹一作毛竹幹大而厚異於諸竹土人取以為舟

斑竹即湘妃竹其斑如淚痕產昌化感恩

白眼竹節有粉瀝可治痰

棕竹有三種上曰筋頭梗短葉垂堪置書几次曰短柄可列庭階次曰樸竹節稀葉硬可

為杖亦可為扇柄出萬州

箭籜竹莖黃色黎人取為箭籜

麻竹莖特大筍可食

石竹大者徑二寸質堅斧斤不能入倭刀觸之立斷

甜竹筍甜美可食又有金竹沙竹菌竹扶菌竹紫竹橫枝竹孟宗竹觀音竹產各州縣

木類

花梨木紫紅色與降真香相似有微香產黎山中

香楠木幹極端偉一名端正樹亭亭直上若幢蓋然膚有花文色黃綠而細膩剖之香辣

多出崖州

儋州志云有香楠苦楠油楠鸚哥楠四種

鷄翅木白質黑章如鷄翅身多結瘻又名瘻子木出崖州昌化陵水

鐵力木理甚堅緻質初黃久之則黑

吐珠木堅如鐵力色比紫荆較赤為海南之文木

胭脂木堅緻色如胭脂可斲作器

澄邁志胭脂木有二實小者佳實大者名為狗卵

蘇木即蘇枋樹類槐花黑子南人以染絳凡州縣藝植者十年後始堪用黎山野生者以

年久故佳

榕樹南海多植之葉如大麻實如冬青樹幹拳曲不可以為器也其木稜理而深是不可

以為材也燒之無焰是不可以為薪也以其不材故能久而無傷其蔭十畝故人以為

息焉而又枝條既繁葉又茂細軟條如籐垂下漸漸及地籐稍入地便生根節或一大

株有根四五處而橫枝及鄰樹即連理南人以為常不謂之瑞木

南方草木狀

有大葉細葉

二種細枝垂地遇水即生亦異品也

柳亭詩話

枕椰樹枝葉並蕃茂葉下有鬚如粗馬尾唐人採之以織巾子其鬚尤宜鹹水浸漬即粗

脹而韌故人以此縛船不用釘線木性如竹紫黑色有文理而堅工人解之以制博

奕局此樹皮中有屑如麪可為餅食之

嶺表錄異

枕椰木似櫻欄有節如大竹聳直高十餘

丈有葉無枝蔭綠茂盛結子葉間數十穗下垂長可丈餘青翠點綴有如纓絡其根皆

細鬚堅實如鐵鏃以為器悉成孔雀尾斑世以為珍木身外堅內腐南人剖去其腐以為盛溜力省而工倍溪峒取其堅以為弩箭沾血一滴則百裂於皮裏不可撒矣不惟其木見血而然雖木液一滴著人肌膚即偏身如鍼刺殆木性攻行於氣血也嶺外代答色

類花梨而多綜紋海槎餘錄

龍骨木色青翠狀如枯骨通志叢生有刺汁毒老而根結者香美儋州志

赤鱗龍膽木中屋材其味苦故名黃志

飲木朱崖海中有渚東西五百里南北千里無水泉有大木斬之以盆甕承其汁而飲之

文選注

海棠其子可打油燒燈會同志

烏文木李時珍云烏文木出海南古今注亦謂之翳樹色黑而有文

相思木有黃紫之分皆起細花紋堅於鐵力木子名紅豆如珊瑚王維詩所云紅豆生南

國者是也唐時曾進御以藏龍腦香歷久不減與草紅豆生於籐蔓者別通志

虎斑木紋似虎斑

無患木即櫨木殼可以去垢核可為經珠又金剛子圓如彈堅實不朽亦可為數珠產瓊山

黃楊木西陽雜俎云凡取此木必於陰晦夜無一星伐之則不裂出昌化者佳可制梳箸

海梅端直堅緻可作棟樑材又有青梅苦梅二種樟有黃紅二種俗名林翁又有釣樟即

豫也

椿木皮細肌實而赤嫩葉可茹樛木枝粗肌虛而白其葉臭惡乃一木二種也

梓有三種木理白者為梓赤者為楸梓之美文者為椅即尸子所謂荆有長松文椅者也

土名石梓曰公曰母母尤佳

檀似秦皮其葉堪為飲具體細可作斧柯至夏有不生者忽然葉開當有大水農人候之

以占水旱

烏柏木一名鷓白本草云烏喜食其子因以名之陸龜蒙詩云行歇每依鷓白影挑頻時

見鼠姑心

桑乃箕星之精種樹書桑根下埋龜甲則茂盛不蛀根下皮可入藥名桑白皮用東行者

良出土外者殺人

按郡地少蠶桑葉不傷採摘木氣得全故桑寄生特多

秋風木質堅而紋極細出臨高

鳳眼木紋似虎斑可作器皿

按海南雜木甚多有鴨腳貓尾猪血之類皆出黎山中

山總管樹高四五尺葉可解諸毒土醫謂之藥母

黃子木東坡以為柱杖為弟子由生日之壽林志

牛奶樹子有雙仁最毒食之腸斷單仁者尤毒澄邁海邊多生之

買生木有白赤二種澄邁志

稿木有四種同上

苦棟樹最易生三月開花細如魚子色兼紅白有雌雄雌者實雄者不實實肖棗不可食

通志

山羅木俗呼買展澄邁縣志

山桂皮味似桂不甚辣土人取春麴餅近亦以代香供神

山柚俗取其子打油香氣襲人

楓樹楊似白楊葉三角有脂香疑即今之香楓是也俱同上

香類

沉香葉似冬青樹形崇竦其木枯折皮朽爛內心乃香續博物志云沉香雜木也儋崖海

道居民橋梁皆香如梅桂橘柚之木沉於水多年得之皆為沉水香然生採之即不香

也又虞衡志云沉水香上品出海南黎峒一名土沉香少大塊其次蘭栗角如附子如

芝菌如茅竹葉者佳至輕薄如紙者入水亦沉香節久蟄土中滋液下流結而為香採

時香面悉在下其背帶木性者乃出土上環島皆有之又以出萬安者為最勝說者謂

萬安山在島正東鍾朝陽之氣香尤蘊藉豐美大抵海南香氣清淑如蓮花梅英鵝梨

蜜脾之類焚少許氛翳彌室至煤燼氣不焦此海南香之辨也海上亦自難得省民以

一牛博香一擔歸擇得沉水者十不一二

黃熟香倦遊錄云香有三等曰沉曰箋曰黃熟沉箋有二品曰熟結曰生結熟結樹爛而

成生結者結於完樹黃熟又有三品曰散沉香之上也生結者爲角沉次之木枯朽乃得者爲黃沉又其次也

蓬萊香卽沉水香結未成者多成片如小笠及大菌之狀有徑一二尺者極堅實色狀皆如沉香惟入水則浮剝去其背帶木處亦多沉水虞衡志

鷓鴣斑亦得之於沉水蓬萊及絕好箋香中槎枒輕鬆色褐黑而有白斑點點如鷓鴣臆上毛氣尤清婉似蓮花

箋香如蝟皮栗蓬及魚蓑狀蓋修治時去木留香棘刺森然香之精鍾於刺端芳氣與他處箋香夔別箋香之下又有重漏生結皆下色

角沉乃生木中取者宜用薰蕪黃沉乃枯木中得之宜入藥用上俱同上

伽楠香一作奇南一作琪南一作奇藍卽黃蠟沉香品云香木枝柯竅露者木立死而本存者氣性皆溫故爲大蠟所穴蠟食石蜜歸而遺香中歲久漸漬木受蜜氣結而堅潤則香成矣香成則木漸壞其傍草樹咸枯香本未死蜜氣復老謂之生結上也木死本存蜜氣凝於枯根

潤若錫片謂之糖結次也其稱虎斑結金絲結者木性多而香味少斯爲下品生結紅

而堅糖結黑而軟瓊州亦有土奇南白質黑點其色如鴨綠者名綠結招之痕合鋸之細屑成團又名油結上之上也粵東筆記

按伽楠香產越南國者謂之洋伽楠多從海舶載來售之味辛烈瓊郡黎山者謂之土伽楠香氣醇美價倍黃金今不可多得矣

降真香雜諸香焚之其烟直上輒有白鶴下降通志檀香檀木年久成香

青木香一株五根一莖五枝一枝五葉葉間五節相對故又名五香出文昌龍骨香樹叢生有刺汁甚毒枝老而根結成香者美產峴州

白木香砍傷其樹則結否則雖年久亦爲白木海漆香產文昌海港色甚黑焚之油出如漆

鷄骨香一名籐香乃雜樹之堅節形色似香非香也白膠香出儋州

速香有色黑而重者名將軍帽鯽魚片色黃而有棕紋者名花剗自海舶至者味辛而酸

不如瓊產之甜靜無尾烟也其餘有夾板并抱朽木者俱香之下品而尤有他木實成假充者不可不辨雜記

楓香樹似白楊葉圓而歧分有脂而香其子大如鴨卵二月花發乃著實八九月熟曝乾

可燒南方草木狀

按羅浮志云今所燒乃其皮非子也子亦無如卵者

檳榔苔出海島檳榔木上如松身之艾蒨單熟極臭交趾人用以合泥香則成溫磨之氣

功用如甲香桂海虞衡志

草類

蒟葉一作萋卽扶留籐蔓生依樹葉圓而尖青碧色味辛可爲醬食檳榔者以此葉合蚌

灰同嚼食之可辟瘴癘去胸中惡氣本草綱目

藿香形如都梁香似蘇合去惡氣止霍亂及心腹痛出瓊山澄邁者佳

益智子如筆頭雜五味中極芬芳可下酒亦可鹽曝及作粽食晉盧循遺劉裕益智粽卽

此也李時珍曰脾主智此物能益脾胃故也與龍眼名益智義同東坡記云海南產益

智花實皆長穗而分爲三節觀其上中下節以候早中晚禾之豐凶

薑黃蘇恭云根葉都似鬱金其花春生於根與苗並出入夏花爛無子根有黃青白三色

其味辛少苦多亦與鬱金同惟生花異耳本草云海南生者即莪朮江南生者即爲薑

黃

紅藍花卽紅花葉頗似藍故有藍名博物志云張騫得種於西域今人家場圃多種之花

可染紅又作胭脂主治產後血暈

蒼耳草東坡云藥至賤而爲世要用未有如蒼耳者其花葉根實皆可食之如菜亦治病

無毒雜療風痺癰疽尤治癭及金瘡一名鼠粘子一名羊負來詩謂之卷耳疏謂之道

人頭儋州志

龍鬚草卽石龍芻可以飼馬述異記周穆王東海島中養八駿馬處有草名龍芻是矣又

可織席太白詩莫捲龍鬚席從他生網絲是也多出儋州

接骨草一名四季花叢生園林中高二三尺莖綠有節而圓葉長似指而尖花白色跌傷

骨節搗爛敷之可以接骨見群芳譜前本草不載

蛇含草一莖五葉或七葉治蛇傷赤眼風腫諸症異苑云有田父見一蛇被傷一蛇含一草着瘡上經日傷蛇乃去田父因取草治蛇瘡皆驗遂名曰蛇含草也根名女青即雀瓢別錄云即蛇含根也生珠崖本草綱目

鳳毛草野生葉可治痢

旱蓮草花實頗如蓮房狀故得蓮名花白者名鱧腸一種花黃紫而結房如蓮房者乃是

小蓮翹也爐火家亦用本草綱目

藍草有數種曰蓼藍松藍馬藍吳藍又有木藍長莖如决明高者三四尺分枝布葉如槐葉七月開淡紅花結角長寸許迥與諸藍異而作靛則一也瓊郡多此種餘藍則絕少也

睡草出海南見之則令人睡一名醉草亦呼為嬾婦歲時雜記

鐵樹高數尺葉如老少年開花如桂而不香或云此樹週甲子一開開必以丁卯年故有

鐵樹開花之諺然甚無異致雜記

知風草叢生籐蔓土人視節知一年風候每一節主一風無則無風

木鼈子蔓生葉似苦瓜實亦如之兩頭尖短而大子形如鼈

山豆根蘇頌云出萬州者佳石鼠食其根故嶺南人捕鼠取腸胃曝乾解毒攻熱

茜草一名血見愁方莖中空數寸一節每節五葉葉如烏藥詩云茹蘆在阪者是也

忍冬一名左纏籐其花黃白相半故又名金銀花

羊蹄草一名秃菜葉似波稜而無歧可治秃瘡詩小雅言采其蓬陸機注云即今羊蹄也

菖蒲即昌陽又名堯韭典術云堯時天降精於庭為韭感百陰之氣為菖蒲故曰堯韭東

坡云凡草生石上必須微土以附其根惟石菖蒲濯去泥土漬以清水置盆中可數十年不枯

長生草修莖茸葉色似檜而澤經冬不凋

蒲公英葉如苦苣有細刺一莖獨發花黃如金

茂葉可蓋屋火不能焚出文昌海濱

蒲頭紅根如蘿蔔土醫用治百病儋州志

仙人掌種田畔以止牛踐牆頭以辟火災無葉枝青嫩而扁厚有刺每層有數枝杈呀

而生絕無可觀其汁入目使人失明雜記

芷草即席草見爾雅郭璞云生海濱南越人取以為席又黃村席染茜為飾歲久愈滑多產澄邁

曼陀羅柯生花長白六瓣東坡詩花發曼陀羅是也結實圓而有刺戲取其花或子俱入酒能使人發狂用水噴面即解土人呼為顛茄

斷腸草即鈎吻一名胡蔓草一名治葛生嚼三葉以上即死急以生羊血或金汁灌之或以伏卵不生鷄雛者細研和香油灌之吐出毒物而甦少遲不可救矣

搗車出海南山谷政和本草凡諸樹木蟲蛀者煎此香冷淋之即辟也齊民要術

馬鞭草苗似萌芽搗汁飲之能消癥瘕

留求子形似梔子稜瓣而兩頭尖似訶梨勒而輕及半黃已熟中有肉白色大如棗核而甘本草唐播州郭使君療嬰孺之疾多用此物號為使君子也

高良薑陶隱居言此薑始出高良郡故名即今高州也其山高而稍涼因為名則高良當作高涼今儋州高涼薑莖葉如薑而大高二三尺花紅紫如山薑俱同上

山薑莖葉皆薑也但根不堪食與荳蔻花相似而微小爾花生葉間作穗如麥粒嫩紅色

南人取其未大開者謂之含胎花羅浮志云紅荳蔻即山薑花

羅裙帶生水中用治疥澄邁志

甜酸子可食葉可澤銀

喝睡遇人喝聲葉則盡偃

薛荔生古牆及野間老樹延根引蔓

鼓槌取葉春合酒餅俱同上

澤蘭俗呼濕蘭出土分枝梗葉如菊而尖長香氣類蘭能破血瓊山志

草決明一名知暮草朝開暮合實如馬蹄草能明目

半夏葉似芍藥根下重生上天下小皮黃肉白今瓊產葉較圓儋州志

青蒿有子者葉色深青氣芬芳

小茴香葉如絲髮味類八角枝上青蟲如蠶取治小腸氣

天門冬葉似茴香蔓生有刺

黑牽牛野蔓生花碧子黑一種自家種者名天茄子可作羹醬食俱同上

蠟燭草其形似燭出黃日塘會同志

益母草即本草芫蔚用治胎產諸病一名返魂丹儋州志

野零陵香土人呼為龍零草野生莖葉皆香

通草圖經云通脫木葉似葶麻心空中有瓢輕白可愛女工取以為飾俱同上

乾葛一名野葛籐可作布瓊山志

茵陳蒿初生苗高三五寸似蒿而葉繁細春茵舊苗生新葉故名茵陳蒿

栝樓籐生根名天花粉

葶藶俗名金剛頭可治風

稀簽草俗呼黃花其葉圓而末銳開花微黃實似鶴虱

水萍大者為浮萍小者為紫藻

大小蘇類紅藍而多刺小者名小蘇

青箱子即白鷄冠花子

鬱金本草葉如薑黃但幹起數寸而後葉開根赤黃

葑草即水紅花似蓼葉而大色赤白

何首烏按本草有赤白二種赤者雄白者雌狀如山藥各有五稜生必相對其葉亦相對

劉寄奴俗名刀斧草

穀精草生田中一名戴星草

海金沙莖高一二尺葉如半夏而硬

地丁本草四時常有花子老隨絮飛落處即生俗名松子

夏枯草葉似旋覆春至開花作穗五月初枯

寄生草葉似橘而軟厚莖似槐而肥脆寄生樹上不藉於土惟桑上生者堪入藥

山茱萸味辛子可入藥

紫蘇背面紫色氣甚香不香者為野蘇

薄荷本草可療病不宜食

門冬草葉青似莎草而長四時不凋根黃白色有天門冬麥門冬二種形如連珠又如穉

麥天門冬稍大而味苦土人以蜜漬之良

艾葉有二種葉小苗短色白者良種自蘄州謂之蘄艾俱同上

枸杞子葉似榴而軟薄子入補藥根名地骨皮

衝洞根廣州記曰生嶺南及海隅苗蔓如土瓜根主治一切毒氣及蛇犬傷取根磨服之

諸毒患皆吐出

涼粉草俗名涼菜籐生葉長細柔滑夏間土人常搗取其汁入米粉煮熟候冷凝如豆腐和糖食之以解煩熱

籐類

黃籐可染熬汁即籐黃也其性甚寒可利青魚膽點目

白籐葉似土茯苓身小而長白外有籐包又有一種斑駁可為數珠亦名白籐子出文昌

山中

赤籐俗名紅籐出自黎山其子可為數珠

青籐葉長三四寸多芒刺莖大如指而堅韌可用比北地之用柳條

圭籐俗名靴籐屈之可為酒引

苦籐大如筆竹可以駕牛又有鷄籐土籐牛拔籐皆堪為器用又北戶錄云瓊州五色籐

合子書囊之類細於錦綺亦籐工妙手

牛八籐即黎籐瓊山志

葛籐有毛光二種澄邁志

野鹿籐南土多野鹿籐苗有大如鷄子者有細於筋者儋臺瓊管皆制籐線編以為幕挑

紋為花藥魚鳥之狀業此納官以充賦稅嶺表錄異

都休籐本章備急方云席辯刺史嘗言嶺南俚人解毒藥並是常用畏人得其法乃言二

百頭牛藥或言三百兩銀藥辯久與之親狎乃得其實凡欲食先取甘草一寸炙熟嚼

咽汁若中毒隨即吐出乃用都休籐黃籐二物酒煎令溫常服毒隨大小洩出都休籐

者出嶺南高三尺餘甚細長所謂三百兩銀藥也又常帶甘草數寸隨身以便緩急若

經含甘草而食物不吐者非毒也黃通志

五色籐紅者可以為簾色如天桃名瓊枝以紅紫間之為席為盤及屏風盃甲之屬其用

甚奢又有一種白籐其子斑駁可爲數珠又一種金籐可以爲箸若遇毒物則烟氣迸出舊廣州府志

禽類

石鷄形特小一名潮鷄潮長則鳴其聲長而清有如吹角李德裕詩三更津吏報潮鷄是也

火鷄紅色嘴翅俱黑春夜先鷄而鳴俗呼催耕

竹鷄形如鷓鴣褐色斑赤文居竹林中見儔必鬪以化誘其鬪網之性好啼啼曰洗滑滑白蟻畏之

山鷄愛其毛映水則舞魏武時南方獻之以大鏡著其前鷄鑒形而舞不止異苑

鵲俗稱喜鵲瓊郡所無明景泰間指揮李翊自海北攜來縱之今蕃育滋多矣

鸚鵡綠衣朱喙亦能人言無異隴西之產俗名甘蔗鳥

秦吉了嶺南有鳥似鸚鵡養之久則能言名吉了通典卽了哥唐時作結遼番音也出嶺南

容管廉邕峒中紺黑夾腦有黃肉丹喙齧距人舌人目目下連頸有深黃文能效人言

亦有色白者本草綱目有三種眼黃者金了爲上眼白者銀了爲次眼黑者鐵了爲下產瓊

州又羅浮志青鷄似秦吉了稍大尾長頭一點丹砂郝通志

山鷓毛色紫綠間有純白性善鬪人多蓄之

鴈廣南無鴈近年亦間有之明時有鴈集於瓊山縣學泮池邱濬爲之記見瓊臺集舟車

閱見錄

鷗在漲海中隨潮上下頗知風雲若羣飛至岸渡海者輒不敢渡

喙木鳥雄斑雌褐惟食木蠹有一種大如雀喙足皆青毛色正青翠鳥類也與凡啄木異

種舌長五寸杪有刺針

鶉昔人云鶉與鶉其形相似鶉色黑無斑始由鼠化終復爲鼠夏有冬無鶉毛有斑點始

由蝦蟆黃魚化終以卵生四時常有今通呼爲鶉鶉矣

白鶉素羽黑文狀如山鷄舉止閑靜雌雄定耦不亂不鬪故曰白鶉羅浮志

鶴粵中最少鶴惟瓊州則元裳縞衣丹頂其餘灰鶴居多又有蓑衣鶴俗名牛奴通志

灰鶴大如鶴通身灰色去頂二寸許毛始丹及頸之半亦能鳴舞桂海虞衡志

烏孝鳥也純黑而反哺者謂之慈鳥頸白而不反哺者謂之鴉或又云昌化無喜鵲感恩無鴉儋州有烏鵲能食火每啣火置人屋上以翅煽焚則群鳴飛舞其名火鴉居人多以食物饗之

按今崖州亦無喜鵲感恩亦多鴉

青雝生於檳榔林者謂之檳榔雝喜食檳榔之未熟者宿則倒懸一足於樹杪弋得之肉厚味腴山歌云青鶴且莫來檳榔猶未熟莫食檳榔青好食檳榔肉

翠鳥有水翠山翠翡翠紅翠數種

鷓鴣其名自呼鈎輞格磔又云行不得也哥哥

黎母雀出自黎山冠紅如花莫可羅致臨高志

金鳳出儋州大如指許身五色冠首修尾儼如釵上金鳳

燕有胡越二種又有海燕大如鳩春回巢於石巖危壁葺壘島人伺其秋去以修竿接鏟

取而鬻之謂為海燕窩海語

按燕窩多售自番舶今崖州萬州海島中石巖陡絕處亦產之較洋燕窩更佳但歲

出不過數斤最難得

海鵝即天鵝蒼色嘴尖似鵝而大澄邁志

鷓鴣水鳥毛有五色食短狐其所在溪中無毒氣海語

鷓鴣一名鷓鴣夜撮蚤虱察毫末晝出瞑目不見邱山俗名貓頭鳥大如膺黃黑斑色頭

目如貓有毛角兩耳鳴則雌雄相喚聲如老人初若呼後若笑所至不祥

海鳥棲宿海岸夏秋之夜飛鳴入深山則知颶風當至土人以為颶信

五色雀一名木客方色各備東坡詩序云海南有五色雀常以兩絳色者為長衆雀進止

必隨焉久旱而見則雨潦則反是俗呼小鳳凰又志林云東坡至儋州五色雀來集庭

下坡舉酒祝曰若為吾來當再集也已而果然

倒挂鳥有風則倒挂無風則否前人詩云風來禽倒挂所謂倒挂綠毛么鳳疑即此

閣雀晝不見形每歲春夜向東高飛鳴聲割割必兆豐歲

雉其屬有錦華金錢二種俗呼野鷄萬州志

百舌春初鳴作百鳥聲月令小暑反舌無聲

水鴨即鳧鷖

青椿形似鷺鷥色青

鴛鴦亦名瀟瀟毛羽五色文彩絢爛晝則並遊夜必交頸雙棲失偶則相思而死凡毒蟲

不敢犯故所宿水中無毒

黃鶯一名黃鸝一名倉庚

鸚鵡俗呼八哥又有牛八哥稍大而翅白

麻雀又名瓦雀其糞即白丁香治眼翳

斑鳩色斑故名又有青綠火三種

子規一名杜鵑又名謝豹

白面鷄一名舌鷄俱同上

獸類

鹿牡為麋牝為麀其子為麋出爾雅

或又云萬州六連嶺有鹿市崖州左右曠野亦多麋鹿其茸嫩者如紫茄長三四寸紅鮮可愛然不踰時末潰而本乾剖之有如堅木者所謂

柴茸不如蜀產

麋即麋午月解角前漢書云魯耳珠崖郡山多麋麀顏師古注麋似鹿而大名苑云鹿之

大者曰麋群鹿隨之視其尾為準其尾能辟塵拂氈則不蠹置茜帛中歲久紅色不黯

也

甕旄尾狗足好作聲其大者名甕雅埤

麀性善驚飲水見影輒奔吳越春秋曰章者倥倥也雅埤粵人以麀肉釀酒甚佳廣州舊志

豺似狗而長尾狼似犬銳頭高頰說文

熊好攀援木而引氣故謂之熊經其膽春在頭夏在腹秋在左足冬在右足當心有白脂

如玉味甚美俗呼熊白冬蟄不食飢則自舐其掌故其好在掌異苑

按瓊郡猪熊狗熊馬熊人熊其體同首異而馬熊特大人熊不多見昔人云熊多力

尤嗜小兒黎人搏而獲之一峒畢賀以熊多則其地不祥也劉跂暇日記云錢乙言

熊膽奇藥佳者色通明如米粒用草莖點入水轉如飛性急者佳能消諸毒

獬有三種金絲者黃玉面者黑純黑者面亦黑金絲玉面皆難得虞衡志

按猴即猿兩臂甚長善援木而不能走畜之者亦須置樹間近土氣即病瀉以死煎附子汁飲立愈又瓊州有石猿小者拳許飲以水即長又名黑猿今頗難得

猴釋獸云猴無脾以行消食昔人云瓊州多猴以小者為貴

兔梵書名舍迦大如狸褐色尻有九孔甜雄豪而孕其大者為兔色青足似鹿瓊人多畜之

狸有香狸貓花狸玉面狸七架狸赤狸蛇狸數種儋縣志

獺似犬而口銳毛細入水不濡善捕魚其以猿為雌者插翹山獺也出溪峒

按虞衡志云能解藥箭毒中箭者研其骨少許傅治立消

山猪即野猪寇宗爽云形如家猪但腹小足長毛色褐作群行獵人惟敢射最後者若射

中前者即散走傷人其肉赤色如馬肉食之勝家猪本草綱目

豹狀如虎而小白面團頭其文如錢者曰金錢豹如艾葉者曰艾豹性畏蛇淮南子云蛇

令豹止物有所制也同上

牛有二種曰水牛黃牛

山牛與牛無異但眼紅耳山中作隊而行見人不避海南山中最多雜記

山馬昔人云似鹿而大千百為羣角彎而內向無歧眼下復有一眼日閉夜開以觸物善

入棘叢黎人得之以其皮易布可為臥具禦濕其毛如牛不識者以為山牛

果下馬即石馬高不過三尺可騎竹樹下駿者有雙脊骨能負重躡險輕疾若飛產崖州

陵水

按前漢書地理志儋耳珠崖郡無馬與虎奮志亦云馬非瓊產今則虎無而馬亦多產矣

甕羊以小羊為欄棚畜之足不履地採草木葉以飼之肥而多肪味極美

海獺生海中似獺而大脚下有皮如疥撮毛着水不濡人亦食其肉海中又有海牛海馬

海驢等皮毛在陸地皆候風潮猶能毛起博物志

鼬鼠一名鼬鼠身長尾大能制蛇虺又善於捕鼠及禽畜廣雅謂之鼠狼莊子所謂騏驥

捕鼠不如狸鼬者即此物也本草綱目

海狗純黃色形如狗大如貓常群遊背風沙中遙見船行則沒海漁以技獲之蓋利其腎

也即膾膾膾海語

海鼠大如豕重百斤目赤然畏貓或畜之別園遇獾獵嚙其目而斃上

山鼠形似鼠不能害稻穀瓊山志

毒鼠形大於鼠尾有毛能咬檳榔子上

腹鼠尾大似松鼠出懼有火災又有留鼠豹鼠龍鼠獨鼠文昌志

蟻惡獸生於石穴噬人即死水旱皆有

穿山甲一名鱗鯉似鯉有四足能陸能水又曰鱗鯉上

山檀形類穿山甲而小土人亦以狗捕之

豪豬即封豕似狗居地穴毛黑牙利如錐長四五寸尾大人逐之則發豪刺射人

鱗類

海鱈魚海魚之最偉者大者不可限量有長數百十里望之如連山者小者亦千餘尺背

常負子以遊蟹人以長繩繫鐵鎗乘小船叢標其子候其困斃曳至岸取油貨至數萬

錢脊骨可為春白俗呼為海龍翁

翻車魚海槎餘錄云秋晚巡行昌化屬邑俄海洋烟水騰沸競往觀之有二大魚遊戲水

面各頭下尾上決起烟波中約長數丈離而復合數四每一跳躍聲震里許詢於土人

曰此翻車魚也間歲一至此亦交感生育之意耳

鱈魚其脊若鋒刃銳喙長齒大腹鼻在額上而能作聲少肉多膏大者長三二丈通志

倒挂魚鮮食醉人宜鮮出萬州

沙魚郭璞駁贊珠皮毒尾匪鱗匪毛可以錯角兼飾劍刀此珠駁也亦謂沙魚按沙魚種

類不一有出入沙長丈許腹有兩洞以貯水養子子必二皆從胎生朝從口出暮還入

母腹一名琵琶魚形似琵琶善鳴此大沙也虎沙背有斑文如虎而堅強鋸沙鼻前有

骨如斧能擊物壞舟此海沙也

黃鱔魚一名大頭土人呼作赤魚狀如鮎之大者子如龍眼春末夏初海上疊陣而來舉

網或不勝載儋州志

馬膏即馬鮫皮上亦微有珠然與珠駁異味甚美諺以鯧魚馬鮫並稱出昌化者佳

鯧魚亦名鮓魚圓厚短蹙味豐舊志

鮎魚即鮎魚爾雅翼偃額兩目上陳口方頭大尾小身滑無鱗謂之鮎言其黏滑也

石首魚首有白石二枚瑩潔如玉一名黃花魚乾者即鮎魚本草綱目

勒魚即青鱗狀如鮎魚小頭細鱗小兒痘疹土人糞以食之

魴魚一名鱠魚一名鱠魚即紫魚也狀如長薄尖刀山海經注紫狹薄而長頭大者長尺餘常於三八月出

竹魚形如鯉魚色如篠葉青翠鱗下多朱砂點可玩或烹以為膏臠肥而味甘黃通志

鯧魚即鯧魚一名鏡魚有烏白二種小者名鯧身圓肉厚肉白如鯧只有一脊骨治之

以薑葱蒸之以粳米其骨軟殮者無所棄擲俚人謂之狗眠魚參黃通志

鰻魚即魴魚小頭縮項穹脊闊腹扁身細鱗其色青白

鰻魚扁形闊腹大口細鱗有黑斑采斑色明者為雄稍晦者為雌俱同上

銀魚即王餘博物志又名鱠殘魚身圓如筋長二三寸潔白如銀無鱗若已鱠之魚目有兩小黑點俗呼為麪條魚又呼白飯魚多出澄邁

鱧魚爾雅翼圓長而斑點夜則仰首向北斗而拱有自然之禮故從禮諸魚膽苦鱧獨甘

河豚狀如蚪斗大者尺餘無鱗能開闔名鯢魚味美其腴在肝而有大毒烹飪失宜

即能殺人中其毒者以蘆根橄欖甘蔗搗汁或磨降香汁飲之可解歐陽修詩話載梅

聖俞賦河豚魚詩云春洲生荻芽春岸飛楊花河豚於此時貴不數魚蝦此魚常出於

春暮食柳絮而肥南人多以荻芽為羹最美知詩者謂祇破題兩句已道盡河豚好處

參黃通志

海豚生海中候風潮出沒形如豚鼻在腦上作聲噴水直上百數為群陳藏器本草泊岸旁食

人人乘船刺之大者圓九尺長二三丈

比目魚鱗細紫黑色一眼兩片相合乃行其合處半邊半面無鱗爾雅所謂東方有比目

魚不比不行其名曰鰈是也俗名鞋底魚

烏賊魚南越志海人言昔秦王東遊棄算袋於海化為此魚形如算袋無鱗肉翼兩鬚長

似帶腹下六足聚生口旁懷板含墨見人及大魚至則噴墨方數尺故一名墨魚遇風

波以鬚下疋黏石如纜又名纜魚其骨名海螵蛸又云烏賊懷墨而知禮江東或取其

墨書契以給人物書跡如淡墨踰年墨消空紙耳參黃通志

柔魚類墨魚而長無鰓骨故名柔魚雜記

章魚形如烏賊而大足有八一名章舉昌黎南食詩其五為章舉是也

飛魚一名文鰩生海南大者長尺許有翅與尾齊群飛海上海人候之當有大風吳都賦

云文鰩夜飛而觸綸本草綱目

海馬陳藏器云形似馬長五六寸鰕類也南州異物志云大小如守宮其色黃褐婦人難產者持此物即產

燕魚脊皮有沙肉白味美舊志有赤白黃三種兩翅似燕能飛翔海上故以燕名俗呼為老

鵝魚

赤鬚魚鱗鬚皆淺紅色俗謂之紅魚亦可作脯出儋州昌化者佳

鰮魚俗名鵝毛艇段公路北戶錄廣之恩州出鵝毛艇其細如毛用鹽藏之味絕美郭義恭所謂武陽小魚大如針一斤千頭蜀人以為醬是也

角魚頭三稜有赤角白角二種白角有翅能飛

帶魚形如裙帶色白如銀肉細膩味甜蘇黃通志

鱮白魚相傳鱮乃鱮白所變在海為鱮白在江為鱮白於春鱮於夏其味皆美

海鷄一名荷魚口在腹下目在額上味美而尾極毒昌黎詩蒲魚尾如蛇口目不相營俗亦呼為燕魚

鱮魚狀似鱮而色黑其頭最大一名鱮魚山海經云鱮魚似鯉大首食之已疣是也郡人呼為胖頭魚多出定安

鱮魚脊皮有沙肉白味美

海和尙人首鬚足身差長而無甲舟行遇者率虞不利宏治初吾廣督學淮陽韋彥質先生將視學瓊州陸至徐聞方登海舟此物升鷄首舉舟皆泣議將讓之先生方嚴人不敢白也試畢泛海而還若履平地可見妖不勝德海語

朱公瓊人呼作巴榔小而皮硬者名老鱮儋州志

鰻魚產石灘深處無鱗似鱮而長大俗名麻魚海麻銛牙大口

鱮魚亦作鱮黃白二色似鰻而細長若蛇無鱗

馬鬃形扁長脊鬣有核肉細無刺

烏魚似馬膏而短小無黑花點

石鱈鱸白黑二種板身脊刺夏出味佳諺云冷鱈熱鱸

鼠尾魚地青魚並生南海有肉翅在尾中

鯉魚陶宏景稱為魚王子忌猪肝

鯽魚似鯉魚而身促腹大脊高又二種尤小名走水鯽肚苦即

塘虱風雨將作群引涎濕越坡乾則後越前以濡遇者或獲擔而歸凡此魚穴處多聚蛇

食涎捕者防之

鎌刀長大者名竅唇

細鱗巨石一種頭頂皂色呼皂包頭秋後放子腹多脂肉細味佳

鱧婦似豪豬而小好食禾黍田畷以機杼織絛懸於塍望之而走雙乳垂腹取以煎油其

膏百斛澆蠟作燭取以飲酒紫燄生花取以讀書昏味泯黑赤雅

按通志云鱧婦產瓊南溪澗中齒長則入海化為奔孚

鯨魚任昉述異記曰南海有珠即鯨魚目瞳夜可以鑒謂之夜光廣州記鯨鯢目即明月

珠也魚死而目皆無精寰宇記魚人常於海嶼得鯨頭骨如數斛甕圓頂上一孔大於

甕潘岳滄海賦魚則吞舟鯨鯢黃通志

鱣龍頭類龍無角鱗亦然又曰鱣鯢

鰩魚即鮫魚狀似鱉而無足背文粗錯可以飾刀述異記南海有鮫人之室水居如魚不

廢機織其眼能泣則出珠南粵記鰩魚南越謂為瓊魚長二丈子朝出食暮歸母腹常

從臍中出入據此則鰩魚即沙魚也孫綽望海賦曰勁鰩揚鬣以排流

君魚南越志君魚長寸背上骨如筆管大者似刀逢諸細魚及鼃腹皆斷之

寄魚南越志寄魚長三寸似白魚常附海船以濟洪波一曰寄載魚

鱣魚南越志鱣魚似鯢鱈尾上有刺如櫛樹刺也

高魚與鱈相似有雌無雄二三月時常與蜥蜴合於水中食其腦殺人見異物志

鱈魚南越記鱈魚鼻有橫骨如鑼海船逢之必斷一統志鋸魚亦名狼藉魚身長二丈口

長六尺廣三寸左右齒如鋸即此魚也

鰩魚嶺表錄異鰩魚南人云魚之欲產子者須此魚以頭觸其腹而產俗呼為生母魚

偶魚俗呼賣仔魚

筭魚一統志云色白如筭長尺餘

鹿魚嶺表錄異鹿子魚頰尾美鬣有鹿斑赤黃色余曾覽羅州圖云州南海有洲每春夏此魚跳出洲化而為鹿曾有人拾得一魚頭已化鹿尾猶是魚南人云魚化為鹿肉腥不堪食

鼠魚頭如鼠出南越志疑即鼠尾魚

琵琶魚無鱗長二丈形如琵琶故名述異記海魚千歲為劍魚一名琵琶魚或以為沙魚之別種

含光魚謂蠟魚色正黃而美如蠟故名夜則有光嶺表錄異黃蠟魚頭嘴長而鱗背金色南人鬻為羹雖美而毒或煎燂或乾夜即有光如燭出南越志

金錢花魚小而圓身有錢紋

金石魚形圓長七寸許出南越志

乳六魚嶺表錄異曰全義嶺之西南有盤龍山山有乳洞斜貫一溪號為靈山溪溪內有

魚皆修尾四足丹其腹游泳自若漁人不敢捕之

織杼魚如真魚背上正青

蘆桴魚生山曲水間穴地為窟泉源涌則此魚出

鷄子魚嶺表錄異曰有嘴如鷄肉翅無鱗尾尖而長有風濤即乘風飛於海上南海有飛

魚即此也又有張罌魚身形似刀頭尾稍小長五六寸口大寸半而有牙遇寒時則張

口啐鱗上陽江漁人併網取之肌味如鱈

饋尾魚有毒一名鱉魚出南越記

鰻白魚也正字通云性好偃腹平著地故名

鮠魚嶺表錄異新瀾等州山田揀荒平處以鋤鉞開為町疇伺春雨邱中貯水即邱買鮠魚子散於田外一二年後魚兒長大食草根並盡既為熟田又取魚利及種稻且無稗草乃齊民之上術也

鮠魚異物志南方魚多不肥美味鮠魚為上大者長二尺作膾炙尤香而美嶺南錄異曰鮠魚如白魚而身稍短尾不偃為膾不腥而美諸魚無以過也

鱒似鱒魚而鱗細於鱒赤眼

魛能吹沙大如指圓狹而長者黑文

鱒即赤魚也狀似鮎而大如龍眼可為酢

鰻魚大如指長八寸有鋒刺脊骨美滑宜羹

蒲魚形似鱉而尾甚長有數尺者骨脆肝美於肉亦曰鱈魚

黃魚劉欣期交州記武寧縣秋九月黃魚上化為鶉鳥吳書薛綜曰交州刺史朱符多以

鄉人分作長吏強賦民黃魚一枚稻一斛

斑魚蠶魚也魚腸主痔及惡瘡有蟲者五味炙貼上引蟲出之膽治喉痺

鰓魚嘴頭如鷺

泥鰱魚大如指在泥中

緇魚色緇黑故名身圓頭扁腎軟生東海性喜食泥狀如青魚長者尺餘其子滿腹有黃

脂味美獺喜食之吳越人以為佳品醃為鯊腊

魚虎一名土奴魚頭如虎皮如狷有刺着人如蛇咬能化豪猪及虎瓊人又呼虎魚

鳳尾魚俗呼為馬齊其子可為醬俱同上

介類

龜大戴禮甲蟲三百六十龜為之長宋史太宗時萬安州即萬州獻六眸龜或又云有紅白

二龜在文昌北石井中旱禱之紅出則雨白出則否亦神龜也又海中有封龜如島洋

舶畏之小者亦重二三百斤漁人間撈得之肉甚佳可治疥癬

鼈無裙而頭足不縮者名曰納食之令人昏塞以黃耆吳藍煎湯服之立解出圖經又爾雅

云鼈三足為能食之殺人又有朱鼈生南海大如錢赤如血淮南子云朱鼈浮波必有

大雨

鼃似鼈而大以鼈為雌故曰鼃鳴鼃應淮南子云燒鼃脂以致鼃皆氣類相感也舊志云

其脂可燃鐵

璫瑁狀如龜鼃而殼稍長其足有六後二足無爪背有鱗十三片黑白斑文相錯而成欲

以作器則煮之刀截任意所為治以鮫魚皮瑩以枯木葉即光輝矣虞衡志參黃通志

鸚鵡螺出清瀾海南州異物志云狀如覆杯頭如鳥頭向其腹視之似鸚鵡故名土人取

爲鸚鵡杯

海螺即流螺大如拳格物論云蟹名甲香合衆香燒之則香獨燒則臭

海鏡形圓如鏡即璣蚌也南越志云長寸餘大者長二二三寸兩片合以成形殼圓中甚瑩

滑白照如雲母光內有小肉如蚌蛤腹中有蟹子如榆莢合體共生爲蚌取食諺云月

姑蟹作腸蓋謂此也郭璞江賦璣蚌腹蟹其殼爲明瓦崖州產者佳參嶺表錄異

蛤有三種皆生海中一爲蛤蜊白殼紫唇大二三寸其肉可充海錯一爲文蛤背有紫斑

一爲魁蛤文如鋸齒統名海蛤乃諸蛤爛殼之總稱不專指一蛤也殼入藥爲蛤粉沈

存中筆談云海蛤即海邊沙泥中得之大者如柑子小者加油麻粒黃白色或黃赤相

襍蓋非一類又有粉耳蛤花蛤蛤屬至多不能分別其爲何蛤故通謂之海蛤也

蚌殼上有稜如瓦壘故名殼中有肉紫色而滿腹廣人尤重之多燒以酒俗呼爲天醬按

蚌有數種絲蚌紋細如絲即魁陸阿婆蚌似絲蚌稍長而不正海蚌甚大有片甲大如

屋者以治器即爲車渠多產崖州參嶺表錄異

石蚌形似龜脚得春雨則生花南越志郭璞江賦石蚌應節而揚葩

蛭蚌屬似馬刀而殼薄長二三寸大如拇指又有竹節蛭以夏月出

蛭爾雅曰蛭小者曰蛭殼青黃色惟伴塘海石頭海所產者爲佳其類大小厚薄不一又

名金錢口劉鋹時取以自奉禁民間不得採舊志云盛夏取生蛭以酒鹽蘇麻拌之暴

乾名曰曬蛭參嶺表錄異

水荳芽蛭類也鮮時殼中有一肉柱如牙筋醃之則無雜記

紅蟹出儋州殼上多作十二點深臙脂色其殼與虎蟹堪作疊子北戶錄又有膏蟹出萬州

者大而味佳毛蟹產瓊山淡水中味極鮮美

石蟹生崖州之榆林港內本活蟹也窟穴甚深掘得即洗去泥出水見風則化爲石但螯

足難得全者性寒能消腫毒亦治目疾

海膽形圓多刺如蝟磨琢可爲杯肉可爲鮓爲醬

江瑤柱一名玉珧其甲美如玉安南異物名記江瑤如蚌而稍大肉腥而韌不中口僅四

肉柱佳耳柱長寸許圓半之白如珂雪一沸即起甘鮮脆美不可名狀過火則味盡四

月南風起最多產崖州者佳又名海月謝朓詩挂席拾海月指此蘇長公會云荔枝風

味惟江瑤柱可以敵之

參粵東筆記

車螯潔白如玉俗呼車白殼厚微黃昔梁元帝以為味高食部又大者名蜃能吐氣為樓

臺海中春夏間依約島滸常有此氣

本草綱目

九孔螺即石決明

見本草

又有青螺多產崖州

香螺出海南一名丹螺

西京雜記

寄居蟲如螺而有脚形如蜘蛛本無殼入空螺殼中載以行觸之縮足如螺閉戶火炙之

乃出走始知其寄居也

南州異物志

牡蠣附石而生塊礪相連如房故曰蠣房一名蠔山初生海畔身如拳石漸長有一二丈

者一房內有蠔肉一塊每潮來則諸房皆開有小蟲入則合之以充腹又雜記云蠔肉

最美其殼砌牆鱗鱗可觀王阮亭廣州竹枝詞曲院深深牡蠣牆是也亦可燒灰塗壁

蚌蛤呂氏春秋月望則蚌蛤實群陰盈月晦則蚌蛤虛群陰缺淮南子云方諸見月則津

而為水方諸大蛤也

鱉魚狀如便面眼在背上口在腹下其血碧皮殼甚堅雄小雌大雌常負雄而行雖波濤

瓊

州府志

卷五

輿地物產

三十四

瓊州海口海南書局印行

終不解故號蠃媚又廣州志云蠃子如珠粒出而為蠃者什二三餘多為蟹為蟬蝦

弔介之屬也產瓊海港中蛇首鼉身亦水宿亦木栖其膏甚輕利貯以銅瓦皆滲惟鷄卵

殼盛之則不漏磨治腫毒功同熊膽

參黃通志

蝦有數種蟬蝦白蝦銀蝦之類蝦苗為醬南越志南海以蝦頭為杯中長數尺金銀鏤之

晉簡文以承酒未及飲酒躍於外筮之曰三旬後庭有告變者果有生子人面犬身嶺

表錄異海蝦皮殼嫩紅色就中腦殼與前雙脚有鉗者其色如朱余嘗登海舸忽見臄

版懸二巨蝦殼頭尾鉗足俱全各七八尺首占其一分刺尖利如鋒亦刺上有鬚如紅

筋各長二三尺前雙脚有鉗鉗粗如八大指長三尺餘上有芒刺如薔薇枝赤如鈎硬

手不可觸腦殼烘逗彎環尺餘何止於杯盂也北戶錄云滕修為州刺史有客語修曰

蝦鬚有一丈者堪為拄杖修不之信故去東海取鬚長四丈以示修方服其異寧蝦大

者亦首尾尺餘白蝦肉薄而白瑩如水滄廣人徧食之蓋美而毒詢於閩川吳中悉無

此類今蝦之大者曰龍蝦

黃通志

蚶蟬交州記曰蚶似瑇瑁龜身鼈頭蝦尾色斑似錦文大如笠四足無指甲前有黑珠

可以飾物

嶙峋俗曰茲夷山龜之巨者其背可負人而行產深山中取殼瀆木楔其肉吼如牛聲震山谷廣州巧匠取其甲以為梳篦杯器之屬

紫貝廣州志曰貝凡有八紫貝最為美嶺表錄異云紫貝即蚌螺也儋振夷俚採以為貨南越志土產明珠大貝即紫貝也爾雅翼古者貨貝而寶龜周則行錢至秦廢貝而行錢王莽分貝為五品故有大貝狀貝么貝小貝之名不盈六分不得為貝

車渠一統志出崖州形似蚌蛤有文理廣雅車渠石次玉也王粲賦雜元黃以為次似乾坤之未分兼五德之上美超眾寶而絕倫

郎君子一名相思子狀似杏仁青碧色欲驗真偽口內含熟置醋中雌雄相逐逡巡便合即下卵如粟狀者真也藏笥中積歲不壞

本草綱目

珂貝類大如鯨皮黃黑而骨白堪以為飾一名馬珂通典云老鵬入海為珂即珂也

石矩即石舉嶺表錄異云即章矩之類身小而足長入鹽為乾燒食極妙

朱驚南越志海中有朱驚狀如肺有眼六脚而常吐珠見則天下大旱

蟬大於蜩土人取其小者種之田泥中俟長始收用

水母文選註濛濛如沫生物有智識無耳目故不知避常有蝦依隨之蝦見人則驚此物亦隨之而沒嶺表錄異淡紫色大者如覆帽小者如盃腹下有物如懸絮

土肉色黑大如小兒臂長四五寸有腹無口目有三十六足如筭簪

俱同上

昆蟲類

蠶一歲入登繭絲有黃白紅色昔人云蠶凡三日一蛻蛻則不食是謂一眠至四眠而繭成然眠必齊乃良曰大眠若九蠶眠一不眠則九為所累而俱敗矣

白蠟蟲生菁細樹樹如冬青蟲食樹汁吐沫成白脂鎔為蠟至秋結苞如白卵是為蠟種黃蠟成於蜜蜂白蠟成於此蟲瓊人多有養畜者

廣州志

蜂有八種惟蜜蜂則有君臣之義作蜜益人外有排蜂黑蜂黃蜂哀蜂道壁蜂火筒蜂青盲蜂

蛙類多色青腹細嘴尖後腳長善躍大聲者曰青龜背有黃文曰金線龜腹大脊青其鳴甚壯俗呼為囉吭又名田鷄春間篝火作聲呼之可獲三月三日農民聽其聲卜水旱

諺曰田鷄聲啞田好稻把田鷄聲響田好蕩槳唐人詩云田家無五行水旱卜蛙聲蓋不誣也

蟻有飛蟻木蟻黑黃蟻白蟻數種惟白蟻無所不蝕其害尤甚雜記云粵東溫熱最多白蟻新構房屋不數月為其蝕壞傾圮者有之亦能蝕銀尋其穴掘得白蟻入爐鎔之仍得精金耳

蝸生北方江以南所無而瓊郡有之又瓊州舊無蚊今亦無時不有山蟻即山蛭山中生蛭之所人陟其山則在地者緣股而上在樹者雨墜而下驅之不得拂之不可莫不委順

蛇蟲形如蜘蛛腹大足短時處樹間人皆忽之傷人最毒有謠云最恨蜘蛛無結網蜘蛛無網最傷人參粵東筆記

蜥蜴一名蛇醫朱唇綠身四足同上

雷公馬狀如蜥蜴腹紫背青綠頭頸有駮如馬多在樹上雜記

蝦蟇一名守宮俗呼壁虎北方蝦蟇能以計困蝎取食之瓊地蝦蟇獨能鳴鳴輒七八聲

瓊

州府志

卷五

輿地物產

三十六

瓊州海口海南書局印行

聲如黃雀

坡馬似雷公馬一名沙攤可治腹痛

海參出海中狀如水蛭取以作脯色黑小而薄亦有刺參出臨高

蛭蝶一名野蛾一名風蝶江東人謂為撻未白色背青者是其大有如蝙蝠者或黑色或

赤斑名曰鳳子一名鳳車一名鬼車古今注

蜘蛛小者名嬉子山生者倍大有土蜘蛛草蜘蛛

蠅虎似嬉子而小灰色善捕蠅

螺羸形類蜂赤黑色大小數種即螟蛉

蟾蜍一名蝦蟆吐生其肪塗玉則輒刻削如臘文昌志

蚱蟻俗呼捺蚱蝗屬大頭短腹翅長色綠者呼紡緝婆夏初小熟禾熟附穉人取食者為

稻蝦綠大而附箭竹者為刺蚱

獐目蟲久旱欲雨則室內群飛

蛻蝦滾丸蟲也

桑螵蛸即螳螂子生桑上者

蝮蠃即大土狗夜出者佳

蟋蟀俗呼促織詩名斯螽莎鷄一物隨時而異其名瓊山志

螳螂俗呼賣油翁

蠅東坡云瓊海無蠅今甚多

蟬淮南子蟬無口而鳴飲而不食舊說朽木化為蟬舍卑穢而趨高潔俱同上

蛇類

蝮蛇大者能吞鹿豕繞樹出其骨有二膽一在腹中一在膚裏遇人擊傷膽即至傷處護之故耐擊不死人遇刑服其膽不致傷命世多珍之獨重膚膽腹中之膽無用也其性淫遇婦人必逐之急解所繫裙投地得裙盤絞不去人因得殺之皮可為鼓捕之之法度其出入之地先釘羅樁數行僅容其身土人持橄欖棍伏其中一人出外颺婦人裙以招之蛇望見即躍高五六尺來逐人人退入羅樁內蛇到狹處蜿蜒屈俾間人持棍擊之且退且擊視其首俯地則無懼矣以葛籐繫其頸而牽之參嶺南雜記

量人蛇長五六尺遇人必豎其身量人長短然後嚙之

籐蛇善附物裊裊如籐初不知為蛇常有中其毒者廣州志

冬瓜蛇雜記云瓊州有冬瓜蛇大如柱而長止二尺餘其行跳躍蓬蓬有聲螫人立死

烏稍蛇最毒人傷之不死能隨至人家報仇取浸酒能療癘瘋

四脚蛇即師蛇俗呼狗母蛇背褐色腹下黃白肋有朱點嚙人冷徹骨髓而死土人有藥

可救

簸箕甲黑白相間有大毒

貓蛇其聲如貓出崖州

兩頭蛇如小指大長尺許腹下鱗紅背錯錦文一頭有口眼一頭似有口眼兩頭俱能進退見者以為不祥產樂會

土錦蛇將生子必當大道人擊之腹破子始出否則食母而出

青竹標綠色嚙人如飛箭大毒其子胎生嚙母腹而出

山鳥蠶一名風梢頭如鳥聲如馬嘶騰身逐人惟尾着地

飛蛇產崖州陵水有翅與足長二三寸可治風毒土人云可治產難
危杆類簸箕甲即白花蛇咬人無救

檀蛇大比蚺蛇火蛇紅蛇灰蛇大而無毒水蛇胎生佛蛇不嚙人俱無毒土圭蛇七寸蛇
紅簸箕箭簞蛇俱大毒

金類

崖州黎田其水灤洄清澈浮光耀金有商人以金買而淘之

黎金形似銅鼓而扁小上有三耳黎人擊之以為號處衡志

生金出嶺南夷獠峒穴中如赤黑豆碎石生鐵屎之類南人云毒蛇齒落在石中又云蛇

屎着石上及鳩鳥屎着石上皆碎取毒處為生金有大毒殺人陳藏器本草 舊崖州出金華

金有花綵者貴太平寰宇記

銀廣州瀧州端州新州封州潘州春州勤州羅州辯州高州恩州崖州瓊州儋州萬安州

欽州賓州廉州陸州土貢銀唐書地理志

錫產儋州

銅產儋州昌化

石類

水晶石有五色朗澈如削冰片出叢談云中州水晶皆為玩好五指山傍滿山皆是望之

如雪而光彩過之人取以為假山有高至丈餘者

土水晶出銅鼓山多裂痕不堪用文昌志

磁石俗名吸鐵石粵南海中多磁石之山海舟遇之遠即奔赴至山下觸石立碎故南海

諸國常以藤製船不用鐵釘以避其吸

浮石水沫所成宋俞璞云石入水則沉而南海有浮水之石

火石在紅毛國者佳瓊西黎山亦產之用以擊火

海花石出文昌可為假山

礪石出東石山者佳能發刃

扁青即石青本草云生珠崖山谷中

琅玕石潔白如玉與珊瑚形同而色異庚辛玉冊云生南海崖石內似珠而赤政和本草

野猪清石產崖州白潤可愛

石腦蘊石中白色有蜂巢即太乙禹餘糧

石燕間出銅鼓山

石花色白枝條槎枒分歧如鹿角上有細紋以指彈之錚然有聲多生海中石上

本草石術義

花是鍾乳滴於石上迸散日久積或如花者寇宗奭所說乃是海中石梅石柏之類

本草綱目

羊肚石形似羊胃又有棋子石鷄冠花石蓮花石菊花石紅沙石金石

幣帛類

葛出瓊山澄邁樂會臨高者為美人葛

通志

波羅麻布所在皆有之其出定安文昌者尤佳細者如輕綃霧縠

吉貝布級木棉花絮所織者又有椒布縷眼如胡椒經布極厚實又有廣幅布蕉布鵝毛

布

兼絲布經或麻或絲緯則棉又有黃白絲出文昌

油紅被出儋州瓊俗以為被實則厚毯也

綿紬出臨高者佳又有絲紬出樂會

文昌繭其蠶惟食山栗葉絲堅韌而綢佳

紫花幌儋織者佳又有假錦幌繡花被

黎幕一名黎幔出海南黎峒得中國錦綵折取色絲挑織而成每以四幅聯成一幕黎單

亦黎人所織青紅間道木棉帛也

虞衡志○按此即木棉也今多出瓊州

黎錦廣州志云以吳綾越錦折取色絲間以鵝毳絲錦織成人物花鳥詩字濃麗燦爛可

為衾褥幃幕以有金絲間錯者為上黎人以之為衣又有黎桶以蔽下體

西洋紙被長丈餘圓如繭而空其首細視無縫色白如棉云其國夫婦同寢可以禦寒

嶺南雜記

飲饌類

瓊州醞酒不用麴蘖有木曰嚴樹搗皮葉和麴釀酒謂之嚴酒

張天復興

地志○舊志云儋人多以嚴樹皮葉和抗釀酒謂之嚴酒並通考云瓊管黎峒有椒酒以安石榴花著密中即成○又方輿志云酒無麴蘖以山藤葉有辛香者搗和米粉團為藥餅

真一酒東坡在海南作以米麥水三者爲之志天門冬酒桂酒俱東坡造

按東坡海外集云庚辰歲正月十二日天門冬酒熟予自漉之且漉且嘗遂以大醉得詩二首見本集又真一酒詩坡公自註云真一色味頗類予在黃州日所醞蜜酒也

荔枝酒以鮮荔釀成味極香

七香酒以沉熟等香浸燒酒而成

捻酒以都捻子釀成

黃桐酒以桐子釀成味極美

椰酒椰子中有清漿升許微帶酒氣曰椰酒廣志○桂海虞衡志云椰酒新者極清芳久則渾濁不堪飲又有浮子酒 粟

米酒 金銀花酒 蔗酒 粘酒 番薯酒 黃酒 老酒 鹿蹄酒 燒酒 三白

酒菊 花酒 膏梁酒 甜酒 山柑酒 桑寄生酒 龍眼花酒

鹽有生熟二種

油有花生油 山柚油 海棠油 菊倒油 芝麻油 蓖麻油 椰子油 核桃油

糖名頗繁不外烏白赤三種烏者糖塊白者糖霜霜有三曰結粉曰貢粉曰上洋赤塊有厚有薄瓊之糖其行至遠白糖則貨至蘇州天津等處

醋有二種浙醋水醋

器用類

墨東坡先生在儋耳令潘谷造墨銘曰海南松煤東坡法墨其法每笏用金花胭脂數餅

故墨色豔發勝用丹砂也何蘧春 渚紀聞

椰器椰子內有堅殼大者可爲碗小者可爲盃白色者尤貴注酒遇毒輒沸起唐李衛公

征蠻時常配一椰杯於玉帶環中通志 增

黃村席出澄邁染茜爲飾歲久愈滑

纏樓器爲酒壺甌之屬

籐器出萬州籐可以爲屋桁桷者曰泥籐可以駕牛其大如筆竹者曰苦籐稍小而性柔

可爲牛繩船纜曰括籐以磨礪器物能發光膩曰濕皮籐

籐盒瓊州出五色籐盒子書囊之類細於錦綺亦籐工妙手也新州出五色籐筌臺皆一

時之精絕者北戶錄 籐盒屈籐盤繞成杵合狀漆固護之桂海虞衡志

漆器疊漆雕漆有剔紅剔黑諸色

黎兜蓋海南黎人所用以籐織為之

刀搖刀及黎刀略相類皆短刀而長靶黎刀之刃尤短以斑籐織成纏束其靶以白角片

尺許如鷄尾飾靶之首嶺外代答

紅籐篔出瓊州一呼為笙或謂之行庚其色殷紅瑩而不垢北戶錄

鷓鴣杓磨海螺殼為之

鷓鴣杯螺殼為之形如鷓鴣用金銀釀嘴以為酒器

金剛子圓如彈堅實不朽僧尼製為數珠

笠有油紙笠 篾笠 箬笠 葵笠 籐笠

皮有牛皮 鹿皮 麋皮 山馬皮 蚰蛇皮 獺皮 檀蛇皮 沙魚皮 豹皮出黎山